



Ripablik blong Vanuatu

Vanuatu Nasonel Data Proteksen mo Praevesi Polisi



Toktok blong Praem Minista

Mi glad blong save givim long yu Nasonal Data Proteksen mo Praevesi Polisi 2023 blong Vanuatu, hemi wan polisi we i impruvum mo strengtenem olgeta wok blong yumi we oli tokbaot insaed long Nasonal Saeba Sekuriti Strateji blong 2030. Polisi ia hemi stap olsem faondesem blong data proteksen mo praevesi loa blong Vanuatu we bambae i implimentem olgeta raet we oli stap insaed long Konstitusen mo olgeta intenasonal instrumen we Vanuatu hemi pat long olgeta, mo hemia bambae i soemaot komitmen blong kaontri blong mekem sua se i gat rispek mo proteksen blong pesonal data mo olgeta raet blong wanwan man we i inkludum raet long praevesi.

Konstitusen blong Ripablik blong Vanuatu (2006) ("Konstitusen"), i luksave se "evri man mo woman oli gat raet" long samfala long olgeta "stamba raet mo fridom". Be yus blong pesonal data i save gat wan nogud impak long sam long olgeta raet mo fridom ia. From hemia, Gavman blong Ripablik blong Vanuatu hemi stap lukluk blong mekem olgeta loa we bambae i givhan blong gaedem, protektem mo rispektem pesonal data, olgeta stamba raet mo fridom we i go wetem mo long semtaem mekem se pablik i save gat tras long yus blong pesonal data.

Mo hemi impoten tumas blong olgeta sitisen, bisnes mo onlaen platfom long Vanuatu oli mas operet mo respektem wanem we i stap insaed long Konstitusen blong Vanuatu (Japta 2, Pat 1 Seksen 5) -we i peontemaot se wanwan man mo woman i gat raet long samfala "stamba raet mo fridom" mo long semtaem hemi provaedem "proteksen blong praevesi blong hom". Hemia i stap minim se "Rispek mo Responsabiliti" i mas stap oltaem long onlaen komunikesen, mein wan nao taem we i gat komunikesen tru long imel, teks, pikja, konten blong websaet, olgeta blog post, komen, onlaen forum, sosol media mo olgeta fon-bes ap (phone-based apps).

Mi stap askem evri stekholda mo sitisen, mo olgeta turis we oli stap kam long Vanuatu blong oli mas wok gud wetem Gavman blong Vanuatu mo olgeta rispektiv otoriti, long nasonal polisi ia – wan wok we bambae i mekem sua se evri data we oli generetem mo/o oli kolektem long Vanuatu hemi mas folem olgeta loa mo gavenans strakja blong Vanuatu mo oli no save yusum long wan narafala ples sipos oli no kasem otoraesesem long olgeta stret otoriti, hemia from wan klas blong ol transfea o wan patikula transfea, o folem loa.



Hon. Alatoi Ishmael KALSAKAU

Hon. MAAU'KORO, MOLI TAMBE,

URE VIRA TAMBE, LAVISE VAHE

ALATOI ISHMAEL KALSAKAU (MP), Prime Minister

Tok Tankio

Dvelopmen blong Nasonal Data Proteksen mo Praevesi Polisi bambae i no save kam wan saksas sipos we i no bin gat hadwok mo kontribusen blong Kaonsel blong Europe, olgeta memba blong Nasonal Data Proteksen mo Praevesi Taskfos mo wanwan man. Hemia i inkludum olgeta faenansol mo teknikal sapot we i kam long olgeta stekholda mo institusen.

Tankio tumas long Gavman hemia tru long Ofis blong Praem Minista mo Daarekta Jenerol, Jif Infomesen Ofisa (JIO) mo Deputi JIO long Ofis blong Praem Minista from asistens mo strong tingting we oli gat blong save dvelopem impoten Nasonal Polisi ia.

Tankio tumas tu long Kaonsel blong Europe we oli givhan blong provaedem olgeta teknikal ekspet mo faenansol sapot long dvelopmen blong polisi ia.

Tankio tumas long wanwan long olgeta institusen we oli givim teknikal mo faenansol sapot i go long dvelopmen blong polisi ia, olsem Australian High Commission long Vanuatu, Computer Emergency Response Team (CERTVU), Raet long infomesen yunit (RTI), Ofis blong Telekomunikesen Radiokomunikesen mo Brodkasting Reguleta (TRBR), Risev Bank blong Vanuatu (RBV), Vanuatu Ofis blong Statistiks (VOBS), Dipatmen blong Sivil Rejistri mo Vaetel Statistiks (VRVS), Faenansol Intelijens Yunit (FIU), Ofis blong Pablik Prosekusen blong Vanuatu (OPP), Pablik Sevis Komisen (PSK), mo Ministri blong Jastis mo Komuniti Sevis (MJKS).

Tankio tumas long evri Provinsol Teknikol Advaesori Grup (PTAG), olgeta ejensi mo olgeta representativ blong olgeta, we oli bin tekem pat mo oli bin kontribut blong karemaot konsaltesen tru aot long kaontri mo tu Polisi reviu komiti.

Mo tankio tumas long evri gavman ejensi, olgeta bisnis ofis blong gavman, praevet sekta oganaesesen, non-gavman oganaesesen, olgeta skul, komuniti mo olgeta intanet yusa we oli bin akseptem mo tekempat long konsaltesen invitesen blong mifala mo olgeta onlaen aweanes sesen we i inkludum olgeta tokbak show. Olgeta kontribusen blong yufala i givhan blong shepem polisi ia blong kam wan gavman instrumen we fokus long yusa mo bambae i givhan long nasonal wok blong sefgadem pablik trast long yus blong pesonal data.

Abbreviations

CoE:	Kaonsel blong Europe
DPA:	Data Protektion Akt
GDPR:	Jenerol Data Proteksen Regulesen
EU:	European Union
ICT:	Infomesen, Komunikesen mo Teknoloji
DSA:	Dijitol Sefti Otoriti
UN:	Unaeted Nesen

Mining blong ol Toktok

Haedem aedentiti (anonymisation) hemia i minim proses we oli yusum blong mekem se bambae oli nomo save aedentifaem wan data subjek, long wan daerek o ino daerek wei. Maet oli save faenem nomoa sipos oli spendem bigfala taem tumas, efot o risos blong mekem.

Baeometrik data i minim pesonal data we i kamaot long spesel teknikal prosesing we oli mekem long saed blong olgeta karakteristik blong bodi, fanksen blong bodi mo karakteristik blong wan natural peson, we i alaoem o konfemem stret aedentiti blong natural peson ia, eksampol pikja blong fes o daktiloskopik data (aedentifaem man tru long fingaprint);

Agri i minim se man i givim friwil, spesifik, wetem infomesen, klia tingting blong data subjek, tru long wan stetmen o wan klia aksen we i soemaot se hemi agri long wok blong prosesem pesonal data ia we i rilet long hem;

Klaod Storej i minim wan model blong depositim data we oli yusum blong storem data long ol vetuol seva we ol nambatri pati nao oli hostem olgeta;

Data Kontrola i minim wan natural ligol peson, pablik otoriti, sevis, ejensi o eni narafala bodi we hemwan o i joen wetem ol narafala, i/oli gat paoa blong mekem disisen long saed blong prosesem data;

Brekin long Data i minim brekin long sekuriti we eni man i mekem mo we i kosem wan aksidentol o iligol distraksen, los, jenj, fasin blong man i eksposem wan samting we i no folem loa o gat akses long pesonal data we oli transmitim, storem o prosesem;

Wok blong prosesem Data i minim eni operesen o set blong olgeta operesen we oli mekem long pesonal data olsem kolektem, storem, prisevem, jensim, karembak, eksposem, mekem i avelebol, karemaot o distroem, o mekem lojikol mo/o aritmetikol operesen long kaen data ia. Long keis we oli no yusum otometed prosesing, "data prosesing" i minim wan operesen o set blong olgeta operesen we oli mekem long pesonal data folem wan strakja set blong kaen data ia we i mekem se oli save gat akses long hem o oli save karembak folem wan stret kraeteria;

Jenetik data i minim evri data abaot olgeta jenetik karakteristik blong wan man we hemi inheritim o hemi kasem taem we hemi stap long prenatal stej from oli risal long wan analisis blong wan baeolojikol sampol blong man ia, moa nao long kromosomal (chromosomal), DNA o RNA analisis o eni analisis blong eni narafala pat we i save givim semak infomesen;

Data long saed blong Helt i minim evri pesonal data abaot fisikol o mentol helt blong wanwan man, inkludum evri provisen blong olgeta helt kea-sevis, we i soemaot infomesen abaot helt blong hem long bifo, naeia mo long fiuja;

Aedentifaebol individuol i stap minim wan man we oli save faenemaot huia hem, daerek o indarek tru long refrens blong wan aedentifikesen olsem wan nem, wan aedenfikesen namba, lokesen data, pikja o wan onlaen aedentifikesen. Oli save aedentifaem wan man tu tru long wan o moa aedentifikesen fakta we i stret gud long ol bodi karakteristik mo bodi fanksen blong hem, otru long jenetik, mentol, ekonomikol, kaljarol, o sosol aedentiti blong man ia;

Pesonal data i minim eni infomesen o data, sipos we i stap long wan rikod o no, we i save aedentifaem stret wan man o wan aedentifaebol individuol ("data subjek"), o we i mekem se oli save selektem wan man (singling) o mekem se i save gat interaksen wetem man ia olsem wan individuol;

Data Prosesa i minim wan natural o ligol man, pablik otoriti, sevis, ejensi o eni narafala bodi we i prosesem pesonal data long bihaf blong kontrola;

Mekem pseudonym (pseudonymisation) i minim prosesing blong pesonal data long wan fasin we i mekem se pesonal data ia oli nomo save konektem long wan spesifik data sabjak sipos we oli no yusum moa infomesen, be kaen adisenal infomesen olsem ia oli mas kipim i separet mo i folem olgeta teknikal mo oganaesesen mesa blong mekem sua se pesonal data i no konek long wan individuol we oli aedentifaem o wan aedentifaebol individuol;

Olgeta spesel kategori blong pesonal data i minim jenetik data, pesonal data long saed blong olgeta ofens, olgeta kriminol prosiding mo konviksen; baeometrik data we i save aedentifaem stret wan man, pesonal data long saed blong etnik bakgraon, lukluk blong hem long saed blong politik, tred-union membasip, bilif blong hem long saed blong relijen o olgeta narafala bilif, helt o seksual laef blong hem.

Olgeta Seksen Insaed long Polisi ia

1. Introdaksen	1
2. Pepos blong Polisi	3
3. Objektiv	4
4. Wanem we polisi ia i kavremap.....	5
5. Olgeta Mein Prinsipol blong Proteksen blong Pesonal Data	7
5.1. Prosesing i mas fea, transparen mo folem loa.....	7
5.2. Stret Lejitimet Pepos mo Pepos Limit.....	7
5.3. Data Minimaeseses	7
5.4. Akuresi	7
5.5. Storej limit.....	8
5.6. Gat akaontabiliti.....	8
6. Lejitimet Basis.....	9
7. Olgeta Spesel Kategori blong Data.....	10
8. Wok blong prosesem data we i konsenem ol pikinini mo ol narafala man we oli stap long risk.....	11
9. Data Proteksen mo Praevesi folem Disaen mo Difolt.....	12
10. Data Proteksen Impak Asesmen	13
11. Data Sekuriti	14
12. Notis abaot Brekin long Data	15
12.1. Notis i go long DSO	15
12.2. Notis i go long (olgeta) data subjek.....	15
13. Pesonal Data we i krosem Boda	16
14. Olgeta raet blong wanwan man (olgeta Data Subjek).....	17
15. Eksepsen.....	18
16. Setemap wan Dijitol Sefti Komisen	19
17. Olgeta Ofens, administretiv penalti mo olgeta remedi.....	21
18. Fasin blong strengtenem komplaens – Komuniti edukesen mo sapot.....	22
19. Monitarem mo mekem Evaluesen.....	23

1 Introdaksen



Wetem developmen blong infomesen, komunikesen mo teknoloji (IKT) mo inkris long globolaesesen blong olgeta sevis, koleksen mo yus blong pesonal mo sensitif data we inkludum moa ditel abaot wan man, i kam antap bigwan bitim bifo, hemia long olgeta praevet mo pablik sekta.

Olgeta stratejik desisen we oli mekem folem data analisis (*data-driven solutions*) mo dijitalaesesen oli gat bigfala potensol blong leftemap ekonomik grot, olgeta sosaeti benefit mo mekem se i save gat moa inklusen mo akses long olgeta sevis. Be long semtaem, oli save kam olsem ol risk long olgeta raet mo stamba fridom blong wanwan man mo from hemia, i nid blong gat loa mo polisi. Wetem olgeta jenj long olgeta nasonal mo globol data proteksen fremwok mo ekosistem, hemi stap minim se yumi mas wok tugeta blong save rispon long olgeta pablik konsen, faet agensem spred blong saebakraem mo establisim olgeta strong lejislativ mo regulatori fremwok.

Konstitusen blong Ripablik blong Vanuatu (2006) (“Konstitusen”)¹, i luksave se “evri man mo woman oli gat raet” long olgeta “stamba raet mo fridom”. Yus blong pesonal data i save gat nogud efek long olgeta fundamentol raet mo fridom ia. Japta 2, Pat 1, Seksen 5 blong Konstitusen i luksave mo provaedem praevesi blong hom, mo proteksen blong loa long saed blong olgeta stamba raet mo fridom we oli rikwaerem proteksen blong praevesi. Gavman blong Ripablik Vanuatu i wantem adoptem olgeta lejisletif mesa blong help blong mekemse i gat pablik tras long yus blong pesonal data.

Gavman blong Ripablik blong Vanuatu i wantem bild long raet blong praevesi mo olgeta narafala raet we oli stap insaed long Konstitusen mo hemia we oli stap long olgeta intenasonal instrumen we Vanuatu i pat blong olgeta, olsem *United Nations (UN) International Covenant on Civil and Political Rights (Article 17)*², *Convention on the Rights the Child (Article 16)*³, *Convention the Rights of Persons with Disabilities (Article 22)*⁴ mo *Convention on Cybercrime (Article 15)*⁵ Kaonsel blong Europe (CoE). Gavman blong Vanuatu i stap lukluk tu blong mitim olgeta top intenasonal praktis, moa nao long olgeta we oli stap long only ligol baending triti long fil ia – *CoE Convention for Protection of Individuals with regard to Automatic Processing of Personal Data (ETS No.108 of 1981, “Convention 108”)*⁶ mo tu amending protocol blong hem (*CETS No. 223 of 2018, “Convention108+”*)⁷.

1 Consolidated Edition 2006, <https://www.gov.vu/images/legislation/constitution-en.pdf>

2 International Covenant on Civil and Political Rights, <https://www.ohchr.org/en/instruments-mechanisms/instruments/international-covenant-civil-and-political-rights>

3 Convention on the Rights the Child, <https://www.ohchr.org/en/instruments-mechanisms/instruments/convention-rights-child>

4 Convention the Rights of Persons with Disabilities, <https://www.ohchr.org/en/instruments-mechanisms/instruments/convention-rights-persons-disabilities>

5 The Budapest Convention and its Protocols, <https://www.coe.int/en/web/cybercrime/the-budapest-convention>

6 Convention 108 <https://www.coe.int/en/web/conventions/full-list?module=treaty-detail&treatynum=108>

7 Convention 108+ <https://www.coe.int/en/web/data-protection/convention108/modernised>

Nasional Data Proteksen Polisi i alaen wetem Vanuatu 2030 – The People’s Plan,⁸ Nasional Saeba Sekuriti Strateji 2030⁹ mo olgeta narafala nasional polisi. Polisi ia hemi bin pas tru long Kaonsel blong olgeta Minista olsem we i stap long Gavman Kaonsel blong olgeta Minista Desisen No. 171 blong 2021.¹⁰ . Polisi ia i reflektektem inkris long nid blong difaenem olgeta gavman polisi long saed blong infomesen sosaeti, long wan wei we i tekem tugeta mo inkludum evriwan mo i implimentem proteksen blong pesonal data mo praevesi insaed long domestik loa blong Ripablik blong Vanuatu we i folem olgeta top intenasional praktis, hemia folem moa nao modenaes *Convention 108+ mo General Data Protection Regulation (GDPR)*¹¹ blong EU.

Polisi ia oli bin divelopem wetem teknikal asistens we i kam long *Global Action on Cybercrime Extended (GLACY+)* projek, wan joen inisiativ bitwin CoE mo EU.

8 National Sustainable Development Plan 2016 to 2030- [Vanuatu 2030](#)

9 National Cyber Security Strategy 2030 <[Vanuatu National CyberSecurity Strategy2030 Booklet.pdf \(gov.vu\)](#)>

10 Vanuatu Government’s Council of Minister Decision No. 171 of the 5th of August 2021.

11 Regulation (EU) 2016/679 of the European Parliament and of the Council of 27 April 2016 on the protection of natural persons with regard to the processing of personal data and on the free movement of such data, and repealing Directive 95/46/EC (General Data Protection Regulation)

2 Pepos blong Polisi



Pepos blong Polisi ia i blong statem olgeta faondesem blong data proteksen mo praevesi loa we bambae i implimentem olgeta raet we oli stap insaed long Konstitusen mo olgeta intenasonal instrumen we Vanuatu i pat long olgeta. Polisi ia bambae hemi soeamot komitmen blong Stet blong mekem sua se i gat rispek mo proteksen blong pesonal data mo olgeta narafala raet blong wanwan man, hemia moa nao long raet blong gat praevesi. Data proteksen hemi wan pat blong proteksen blong praevesi, be i gat olgeta narafala pat blong praevesi proteksen olsem fisikol intrusen we polisi ia i no lukluk long hem.

Nomata we Polisi ia i lukluk nomo long pesonal data, hemi luksave nid mo impotens blong gat olgeta polisi we oli lukluk long narafala (non-pesonal) data, folem impotens blong hem long saed blong data soverenti blong Vanuatu. Data sovereniti blong Vanuatu hemi raet blong kaontri blong save detemaenem olgeta loa we oli aplae long prosesing blong data (pesonal data mo non-pesonal data) we oli bin kolektem o mekem o we hemi abaot Vanuatu. Data soverenti ia i rikwaerem blong gat olgeta polisi we oli developem olgeta long saed blong data onasip, 'data olsem wan komoditi' we bambae i wok tru wan infrastrukja we oli protektem mo i transparan, mo ovaro, I nid blong gat wan klia mining mo gavenans model blong data we oli krietem, storem mo yusum bageken.

Polisi ia i stap setemaot besis blong save ajivim olgeta objektiv ia long saed blong pesonal data, mo ol narafala polisi mo loa bambae oli lukluk long saed blong non-pesonal data.

3 Objektiv



Objektiv blong Polisi ia i blong givim moa tingting long developmen blong wan Data Proteksen Akt (DPA) we bambae i save ajivim olgeta samting ia:

- 3.1. Kontribut long rispek mo proteksen blong olgeta stamba raet mo fridom blong olgeta naturol man, hemia raet blong olgeta blong gat praevesi wetem rispek long prosesing blong data blong olgeta;
- 3.2. Mekem sua se olgeta gavman polisi abaot saeba sekuriti oli wok tugeta, blong faet agensem saebakraem mo protektem praevesi blong wanwan man we i inkludum implimentesen mo asesmen long saed blong resiliens blong olgeta impoten nasonal infrastrakja mo sevis;
- 3.3. Help blong establisim wan stret institusenol fremwok blong mekem sua se i gat efektif implimentesen mo supavisen blong wan nasonal data proteksen mo praevesi loa, inkludum olgeta stret penalti mo redres mekanisim (inkludum kompensesen);
- 3.4. Establisim mo serem olgeta top intenasonal praktis blong data proteksen mo praevesi;
- 3.5. Establisim rikwaemen blong gat wan indipenden mo natural Dijitol Sefti Otoriti (DSO) we i gat otoriti mo gat olgeta risos mo kapasiti blong save supavaesem, monitarem mo enfosem komplaens mo sefgadem olgeta raet blong wanwan man long saed blong data proteksen mo praevesi;
- 3.6. Mekem sua se i gat moa proteksen long saed blong prosesem pesonal data abaot wan pikinini, hemia folem Atikol 16 blong *UN Convention on the Rights of the Child*;
- 3.7. Mekem sua se i gat olgeta stret proteksen blong prosesem pesonal data blong olgeta we oli stap insaed long olgeta spesel kategori, hemia blong no mekem damej long wan individuol;
- 3.8. Mekem sua se pesonal data we oli prosesem long Vanuatu hemi folem olgeta loa mo olgeta gavenans strakja blong Vanuatu mo oli mas protektem olgeta oltaem tru long olgeta stret nasonal ligol mo gavenans fremwok, we bambae i leftemap integriti blong pesonal data insaed long Vanuatu mo kontribiut long proteksen blong wanwan man Vanuatu.
- 3.9. Promotem kodinesen blong data proteksen ligol fremwok wetem olgeta narafala rijenol mo intenasonal jurisdiksen blong mekem se flo blong pesonal data i save tekem ples anda long olgeta kondisen we i givim asurens mo tras.
- 3.10. Mekem sua se i stret wetem mo i leftemap olgeta kastom, tradisen mo valiu blong Vanuatu.

Not: 1. Putum moa objektiv

4 Wanem we polisi ia i kavremap



- 4.1. Polisi ia i shud kavremap mo talem moa long saed blong olgeta impoten pat we bambae i mekem se i save gat developmen blong Data Proteksen Loa mo tu bambae hemi givim ol stret mandet blong mekem sua se Vanuatu i no ajivim nomo developmen mo enfosmen blong Data Proteksen Akt be hemi gat tu olgeta mekanisim we i inkludum olgeta prosija mo proses blong protektem Pesonal Aedentifaebol Infomesen.

From risen ia, polisi ia i kavremap proteksen blong Pesonal Aedentifaebol Infomesen, olgeta stret prosija mo proses we oli stap long olgeta narafala legislativ fremwok blong Vanuatu mo long intenasonal konteks, implimentesen blong olgeta nasonal regulesen mo establismen blong Data Proteksen Akt (DPA) blong Vanuatu.

- 4.2. DPA i shud aplae long:

- 4.2.1. Prosesing blong pesonal data insaed long olgeta praevet mo pablik sekta, hemia tru long otomeited o non-otomeited metod, i nomata long nasonaliti o residens blong natural peson we oli stap prosesem pesonal data blong hem;
- 4.2.2. Prosesing blong pesonal data o olgeta spesel kategori blong pesonal data abaot olgeta individuol we oli laef i stap, be i no abaot olgeta we oli ded finis;
- 4.2.3. Prosesing blong pesonal data we oli mekem insaed long jurisdiksen blong Vanuatu;
- 4.2.4. Prosesing blong pesonal data we oli krietem o kolektem long Vanuatu, i no mata long ples we oli mekem prosesing long hem.¹²

¹² Vanuatu Government's Council of Ministers Decision No. 171 of 2021) on Data Protection & Privacy (meeting No. 016 , Thursday 5 August 2021) provides that all data generated and/or collected in Vanuatu must always be subjected to the laws and governance structures of Vanuatu and must not be used elsewhere without prior authorisation from relevant authorities. See also section 13 of this Policy.

- 4.2.5. Prosesing blong pesonal data blong olgeta individuol we oli stap long Vanuatu we wan kontrola o prosesa we i no establis long Vanuatu hemi mekem, long keis we olgeta prosesing aktiviti oli rilet long:
- (a) Olgeta guds o sevis we oli ofarem, i no mata sipos we hemi wan rikwaemen blong gat peimen blong data subjek, i kam long olgeta individual ia long Vanuatu; o
 - (b) wok blong monitarem bihevia blong olgeta kasem bihevia blong olgeta long Vanuatu.
- 4.3. DPA i no shud aplae long prosesing blong pesonal data we oli mekem from ol pesonal o haushol aktiviti.
- 4.4. DPA i shud difaenem mo promotem data soverenti long saed blong pesonal data, mo krietem olgeta data proteksen mekanisim we oli klarifaem data soverenti mo data onasip long saed blong pesonal data.

5 Olgeta Mein Prinsipol blong Proteksen blong Pesonal Data



Pesonal data mo olgeta spesel kategori blong pesonal data oli shud prosesem olgeta long wan fasin we i fea, i folem loa mo i transparan mo i folem stret valid pepos blong prosesing. Long evri stej blong prosesing, i shud gat wan fea balens bitwin evri konsen interes, nomata sipos we hemi pablik o praevet, mo olgeta raet mo fridom blong wanwan man. Folem *Convention 108+* mo olgeta stret intenasoanl praktis, DPA i shud setemaot olgeta mein prinsipol ia blong rispektem mo aplaem long evri stej blong data prosesing:

5.1. Prosesing i mas fea, transparan mo folem loa

- 5.1.1. Pesonal data oli shud prosesem long wan fasin we i **fea**.
- 5.1.2. Pesonal data oli shud prosesem long wan fasin we i **transparan**. Olgeta data subjek oli gat raet blong save abaot prosesing blong pesonal data blong olgeta. I shud kam wan rikwaemen blong olgeta kontrola oli mas akt folem wan fasin we i transparan blong mekem sua se prosesing i fea, mo blong infomem olgeta data subjek long wan stret fom we i soemaot aedentiti blong konrola mo eni narafala mein infomesen abaot prosesing mo raet blong olgeta, hemia blong mekem se i save gat wan prosesing we i fea mo i stret.
- 5.1.3. Pesonal data oli shud prosesem folem **loa** mo hemi shud gat olgeta stret mo valid risen blong mekem olsem we i stap long paragraf 6.

5.2. Stret Lejitimet Pepos mo Pepos Limit

- 5.2.1. Pesonal data oli shud prosesem from **klia, stret mo lejitimet pepos** mo prosesing blong olgeta kaen data ia oli shud sevem olgeta pepos ia mo oli no shud go agensem olgeta.
- 5.2.2. Long saed blong ol narafala prosesing moa blong mekem akaeving long interes blong pablik, olsem pat blong saentifik o histri risej o long saed blong statistiks, hemia oli save konsidarem se hemi inlaen wetem olgeta pepos ia, hemia long kondisen se oli putum ol stret sefgad i stap.

5.3. Data Minimaeesesen

- 5.3.1. Pesonal data we i stap go tru long prosesing hemi shud **inaf, stret mo no go ova tumas** long pepos we oli prosesem data ia from.
- 5.3.2. Rikwaemen ia i no lukluk nomo long kwantiti, be hemi lukluk tu long kwaliti blong pesonal data.

5.4. Akuresi

- 5.4.1. Pesonal data we i stap go tru long prosesing i mas **akuret** mo, kasem wan eksten we i neseseeri, oli shud stap apdeitem oltaem.

5.5. Storej limit

- 5.5.1. Pesonal data we i stap go tru long prosesing oli shud kipim long wan fom we i alao blong gat aedentifikesen blong olgeta data subjek kasem wan stret taem limit nomo, folem pepos blong prosesem olgeta data ia.
- 5.5.2. Pesonal data oli shud dilitim taem we oli ajivim pepos blong prosesem data ia o oli shud kipim nomo long wan fom we hemi stopem eni daerek o indaerek aedentifikesen blong data subjek (*'anonymised'*).

5.6. Data Sekuriti mo Notis abaot Brekin long Sekuriti

- 5.5.3. Kontrola, mo, long keis we hemia i aplae, prosesa, i shud tekem olgeta stret sekuriti mesa blong sefgadem pesonal data agensem olgeta risk olsem aksidentol o iligol akses, distraksen, los, yus, modifikesen o disklosa.
- 5.5.4. 5.6.2 Kontrola i shud talemaot long DSO kwiktaem, abaot olgeta brekin long pesonal data we i save afektem bigwan olgeta raet mo fundamentol fridom blong olgeta data subjek.

5.6. Gat akaontabiliti

- 5.6.1. Olgeta kontrola (mo, long keis we hemia i aplae, olgeta prosesa), oli shud tekem olgeta stret mesa blong komplae wetem olgeta prinsipol we i stap long DPA mo oli mas save soemaot se data prosesing we i stap anda long kontrol blong olgeta i komplae wetem DPA.

6 Lejitimet Basis



DPA i mas mekem sua se wok blong prosesem data hemi folem loa. Blong mekem hemia, hemi mas putum olsem wan rikwaemen se eni wok blong prosesem pesonal data i mas karem fastaem, agrimen blong data subjek, o i mas beis long sam narafala stret mo valid risen we DPA o loa i putum. Hemia i minim long kaen situesen we i nid blong prosesem pesonal data blong wan man blong save pefomem wan kontrak wetem man ia; o blong save karemaot wan wok olsem pat blong wok blong pablik otoriti; o blong komplae wetem wan diuti we hemi wan rikwaemen anda long loa blong kontrola i mas karemaot; o blong pepos blong olgeta stret mo valid risen we kontrola o wan nambatri pati i beis long hem, be sipos hemia i go agensem olgeta interes o stamba raet mo fridom blong data subjek konsen (espeseli ol pikinini), bambae hemi no save mekem; o sipos i nid blong prosesem data ia blong protektem olgeta impoten interes blong data subjek konsen.

Wok blong prosesem data folem stret mo valid risen hemi rikwaerem tu se oli mas prosesem pesonal data long wan fasin we hemi transparan (Luk long Seksen 5.2).

7 Olgeta Spesel Kategori blong Data



Wok blong prosesem samfala kaen pesonal data, o wok blong prosesem samfala kaen pesonal data blong karem sensitiv infomesen we data ia i rivilim, i save vaeletem olgeta interes, raet mo fridom blong wanwan man. Olsem eksampol, hemia i save hapen sipos i gat wan potensol risk se bae oli save diskriminet o spolem digniti o fisikol integriti blong wan man o sipos wok blong prosesem pesonal data i save afektem tingting ia we i tekem se man hemi inosen kasem we kot i faenem se hemi gilti, o ol narafala impoten raet mo fridom.

- 7.1. Wok ia blong prosesem olgeta spesel kategori blong data, oli shud alaoem nomo long keis we i gat sam moa stret sefgad i stap long loa.
- 7.2. Olgeta sefgad ia oli shud givim proteksen agensem olgeta risk we wok ia blong prosesem data i save kosem long olgeta interes mo olgeta raet mo fridom blong data subjek, espeseli long saed blong risk blong diskriminesen.

8 Wok blong prosesem data we i konsenem ol pikinini mo ol narafala man we oli stap long risk



- 8.1. Interes blong pikinini konsen i mas kam nambawan long evri prosesing wok we i konsenem ol pikinini, mo i mas gat ol spesifik sefgad we oli aplaem blong protektem ol pikinini blong mekem se wan ino save intafia long ol raet blong olgeta insaed long dijital envaromen, long eni wei we hemi no fea o we ino folem loa.
- 8.2. Long saed blong olgeta kontrola (mo, long keis we hemia i aplae, olgeta prosesa) mo DSO, i mas gat wan rikwaemen i stap blong mekemsua se olgeta ia oli givim spesel atensen long olgeta data proteksen raets blong olgeta pikinini mo olgeta narafala man we oli stap long risk, mo sipos hemi nesesei, jensem olgeta proteksen blong mekemsua se oli wok gud blong helpem olgeta individual ia.

9 Data Proteksien mo Praevesi folem Disaen mo Difolt



- 9.1. Mekem sua se oli inkludum ol data proteksien rikwaemem long stat. Blong mekem hemia, olgeta kontrola (mo long keis we hemia i aplae, olgeta prosesa) oli mas lukluk gud long olgeta posibol impak we prosesing wok we oli plan blong karemaot, bambae i gat long olgeta raet mo stamba fridom blong olgeta data subjek bifo oli statem prosesing, mo oli mas disaenem data prosesing ia long wan wei we bambae i priventem o i minimaesem risk blong wan i intafia long olgeta raets mo stamba fridom ia.
- 9.2. Blong setemap olgeta teknikal rikwaemen blong ol difolt seting, olgeta kontrola mo prosesa oli mas jusum olgeta standad konfigaresen we oli save protektem praevesi, blong mekemse taem man i yusum olgeta aplikesen mo softwea be bambae hemia ino save spolem ol raets blong olgeta data subjek (data proteksien folem long difolt) mo blong blokem fasin blong prosesem moa pesonal data bitim hemia we oli nidim blong ajivim pepos we oli gat stret valid risen from.

10 Data Proteksien Impak Asesmen



- 10.1. Sipos i luk olsem se wan wok blong prosesem data bambae i save kosem bigfala risk long olgeta raets mo stamba fridom blong olgeta data sabjek, olgeta kontrola (o long keis we hemia i aplae, olgeta prosesa) oli mas karemaot wan asesmen, bifo oli statem olgeta wok blong prosesem data, long saed blong olgeta impak we data prosesing operesen we oli plan blong karemaot bambae i gat long proteksen blong pesonal data, mo oli shud disaenem prosesing wok ia long wan wei we bambae i priventem o i minimaesem olgeta risk ia.
- 10.2. I mas gat data proteksen impak asesmen, espeseli long keis we:
 - (a) Oli karemaot wan sistematik mo bigfala evaluesen long olgeta pesonal aspek long saed blong ol individual, we hemi beis long otomeited prosesing, hemia i inkludum tu profaeling;
 - (b) Oli mekem wan bigfala wok blong prosesem data long saed blong ol spesel kategori blong pesonal data; mo
 - (c) oli mekem wan bigfala wok blong sistematik monitoring long wan eria we pablik i save aksesem.
- 10.3. Dijitol Sefti Komisen i shud save mekem mo putumaot long pablik, wan list blong olgeta narafala prosesing operesen we i mas gat data proteksen impak asesmen long olgeta.

11 Data Sekuriti



- 11.1. Sekuriti blong pesonal data hemi impoten long saed blong priventem olgeta nogud efek long data subjek. From risen ia, DPA i shud putum wan rikwaemen blong mas implementem olgeta stret teknikel mo oganaesesen mesa long wanwan prosesing wok, hemia blong protektem data ia agensem aksidentol o anotoraes akses long data, distraksen, los, yus, fasin blong jensem o rivilim data. Taem we oli stap disaed long olgeta stret teknikal mo oganaesesenol mesa, olgeta kontrola (mo long keis we hemia i aplae, olgeta prosesa), oli shud tingting long olgeta posibol nogud impak long wan individual, neja blong pesonal data, amaon blong pesonal data we oli prosesem, level blong risk long saed blong teknikal akitekja we oli yusum blong mekem prosesing, nid blong ristriktim akses long data, olgeta rikwaemen long saed blong long-tem storej, mo ol narafala moa.
- 11.2. Olgeta sekuriti mesa ia oli shud konsidarem tu olgeta hae-level metod mo teknik blong data-sekuriti blong taem naoia (olsem eksampol, mekem *pseudonym*, konvetem data long kod (*encryption*), kipim infomesen i sikret oltaem, integriti, sipos olgeta prosesing sistem mo sevis oli avelobol mo resilien, sipos i gat regula testing, asesmen mo evaluesen long efektivnes blong olgeta teknikal mo oganaesenol mesa) hemia long eria blong data prosesing. Kost blong olgeta sekuriti mesa ia i shud matjem seriesnes mo posibiliti blong olgeta potensol risk ia.

12 Notis abaot Brekin long Data



12.1. Notis i go long DSO

- 12.1.1. Long luksave ia se brekin long data i save damejem bigwan praevesi mo olgeta data proteksen raet blong wan individual, long keis blong wan brekin long data we i luk olsem bambae hemi putum olgeta raet mo fridom blong olgeta data subjek long wan bigfala risk, i mas gat wan rikwaemen i stap blong olgeta kontrola (mo, long keis we hemia i aplae, olgeta prosesa) oli mas dokumentem evri fakt abaot data brekin ia, olgeta posibol impak blong hem mo olgeta step we oli tekem mo/o proposem blong adresem brekin ia mo notifaem DSO, kwiktaem, bifo 72 haoa i pas, afta long taem we oli kam awea long hem.
- 12.1.2. Sipos notis ino kasem DSO insaed long 72 haoa ia, notis i mas stetem tu olgeta risen from wanem notis i kam let.
- 12.1.3. Long keis we ino posibol blong givim infomesen long sem taem, oli save givim infomesen long ol stej, be i nomas let tumas we inogat gudfala risen from

12.2. Notis i go long (olgeta) data subjek

- 12.2.1. Sipos wan brekin long pesonal data i save putum olgeta raet mo fridom blong ol data subjek long wan bigfala risk, olsem eksampol, disriminesen, aedentiti stil o frod, faenansol los, damejem reputesen, oli rivilim wan data we profesenol sikresi i protektem, o eni narafala ekonomik o sosol situesen we i nogud tumas, olgeta kontrola (mo long keis we hemia i aplae, olgeta prosesa) oli mas infomem data subjek kwiktaem abaot pesonal data brekin ia.
- 12.2.2. Infomesen we i go long data subjek i mas diskraebem klia long wan simpol level blong langwis abaot kaen data brekin we i tekem ples, provaedem olgeta kontak poen mo i rekomendem olgeta mesa blong adresem data brekin ia mo/o daonem olgeta nogud efek we oli save tekemples.
- 12.2.3. Long ol keis we kontrola (mo, long keis we hemia i aplae, prosesa) ino tekem step long tingting blong hem yet blong infomem (olgeta) data subjek abaot data brekin we i tekemples, DSO, afta we hemi konsidarem olgeta posibol nogud efek blong data brekin ia, i shud gat raet blong mekem rikwaemen blong kontrola (mo, long keis we hemia i aplae, prosesa) i mekem.

13 Pesonal Data we i krosem Boda

- 13.1. Fri flo blong pesonal data i save sapotem plante nasonal objekiv, we wan hemi long saed we hemi helpem dijital ekonomi i kam antap. From risen ia, DPA i no shud blokem fri flo blong data ia, be hemi save blokem nomo folem wanem we Polisi ia i setemaot. Hemi impoten tu blong mekemsua se level blong proteksen long pesonal data we oli stap transferem i go kros long ol boda, i mas semak o i moa long level blong proteksen we i stap insaed long jurisdiksen blong Vanuatu. Long tingting ia, kros-boda transfea blong olgeta pesonal data i shud tekemples nomo sipos i gat wan stret level blong proteksen i stap we i beis long level blong proteksen we oli provaedem insaed long Vanuatu. Hemi polisi blong Gavman blong Vanuatu se evri data we oli jeneretem mo/o kolektem long Vanuatu, oli mas stret oltaem wetem olgeta loa mo olgeta gavenans strakja blong Vanuatu mo sipos oli wantem yusum long narafala ples aotsaed long Vanuatu, oli mas karem apruvol fastaem long olgeta stret otoriti, weta hemi wan klas blong ol transfea o wan spesifik transfea, o folem loa. Fasin ia blong 'karem apruvol fastaem' hemi wan rikwaemen long saed blong evrikaen pesonal data we i krosem boda¹³ (Lukim tu Seksen 4 blong Polisi ia).
- 13.2. I mas gat wan stret level blong proteksen i stap long:
- (a) loa blong risiving kaontri o intenasonal oganaeseses, hemia i inkludum tu olgeta stret intenasonal triti o agrimen, we oli mekemsua se i gat semak level blong proteksen olsem we i stap insaed long jurisdiksen blong Vanuatu, o;
 - (b) ol *ad hoc* o apruv standadaes sefgad, we oli stap insaed long loa mo i gat ol instramen i stap we oli save enfosem ol sefgad ia folem, mo we olgeta kontrola o prosesa we oli involv long transfea mo adisenol prosesing, oli adoptem o oli implementem.
- 13.3. Long saed blong intenasonal loa enfosmen koperesen, oli mas mekemsua se i gat wan stret ligol basis blong transfea konsen mo i gat wan stret level blong proteksen blong pesonal data istap.
- 13.4. Polisi ia i luksave olgeta ekonomik mo sosaeti benefit we flo blong data krosem boda i save givim, speseli tru long ol efisen mo advans teknoloji solusen, olsem olgeta klaod storej sevis, hemia sipos oli inkludum olgeta stret sefgad mo garanti se i gat proteksen blong olgeta pesonal data, mo sipos oli komplae wetem Nasonal Infomesen Sekuriti Klasifikesen blong Vanuatu.

13 Vanuatu Government's Council of Ministers Decision No. 171 of 2021) on Data Protection & Privacy (meeting No. 016 , Thursday 5 August 2021).

14 Olgeta raet blong wanwan man (olgeta Data Sabjek)



- 14.1. Polisi ia i setemaot olgeta raet we wan individual i shud save eksasaesem long saed blong wok blong prosesem pesonal data we i rilet long hem, mo hemia bambae oli putum yet i go insaed long loa. Evri individual i shud gat raet ia blong:
- (a) oli mas karem tingting blong hem fastaem, bifo oli save mekem wan disisen we bambae i afektem hem bigwan mo we i beis nomo long wan oto-meited prosesing blong pesonal data;
 - (b) kasem taem hemi askem, konfemesen abaot wok blong prosesem ol pesonal data we i rilet long hem, long wan taem we i stret mo we i nogat tumas dilei long hem, mo we ino kostem hem tumas mane; komunikesen abaot data we oli prosesem long wan fom we hemi klia inaf blong man i save andastanem; evri avelebol infomesen abaot sos blong data ia; presevesen period blong hem mo eni narafala infomesen we kontrola i gat diuti blong provaedem blong mekem se i gat transparensi long ol wok blong prosesem data;
 - (c) kasem taem hemi askem, infomesen abaot risen from wanem oli prosesem pesonal data abaot hem;
 - (d) no agri long wok blong prosesem ol pesonal data we i konsenem hem, hemia eni taem; be wok ia i save gohed nomo sipos we kontrola i save soem se i gat ol lejitimet risen blong mekem prosesing wok ia, we ol risen ia oli moa hevi bitim olgeta interes o raets mo ol stamba fridom blong individuol ia;
 - (e) kasem taem hemi askem, blong oli jensem o waepemaot eni long olgeta data ia, fri nomo, mo we bambae oli no tekem longtaem tumas blong mekem, hemia nomata long olgeta provisen blong DPA;
 - (f) go long kot o faenem wan rod aotsaed long kot blong stretem eni aksen we i go agensem ol provisen blong Data Prosesing Akt (DPA); mo
 - (g) benefit long givhan blong DSO blong eksaesem olgeta raet blong hem, nomata long nasonaliti blong hem o ples we hemi liv long hem.
- 14.2. Sab-paragraf 14.1(a) ino shud aplae sipos wan disisen we oli tekem hemi folem loa we kontrola i kam anda long hem mo we hemi putum ol stret mesa blong sefgadem olgeta raet, fridom mo lejitimet interes blong data sabjek.

15 Eksepsen



- 15.1. Man i no save tekem raet long praevesi mo raet blong protektem pesonal data olsem ol absolut raet. Olgeta raet ia oli mas wok gud wetem olgeta narafala human raet mo olgeta stamba fridom, mo tu fridom blong man i talem tingting blong hem, mo i save dipen long wok blong prosesem pesonal data we i folem loa mo we oli mekem from sam impoten pablik mo praevet interes.
- 15.2. DPA i save alaoem olgeta eksepsen mo ristriksen long wan limited namba blong ol provisen (eksampol, we oli rilet long prinsipol blong transparensi mo olgeta raet blong data subjek) wetem kondisen ia se olgeta eksepsen ia i folem loa, i rispektem tingting blong olgeta stamba raet mo fridom, mo hemi ol mesa we i nid mo i stret long wan demokratik sosaeti, hemia blong protektem nasional sekuriti, difens, pablik sefti, olgeta impoten ekonomik mo faenansol interes blong Steit, wan fea mo indipenden kot sistem, o blong priventem, investigetem mo prosekiutum kriminol ofens mo karemaot ol kriminol penalti long wan fasin we hemi fea mo hemi indipenden; mo tu olgeta narafala impoten objektiv blong jenerol pablik interes o proteksen blong data subjek mo olgeta raets mo stamba fridom blong ol narafala man, espeseli long saed blong fridom blong man i talem tingting blong hem.
- 15.3. Wanem we olgeta eksepsen ia oli kavremap mo kontent blong olgeta eksepsen ia, oli mas limitim nomo long wanem we i rili nid blong save ajivim olgeta lejitimet objektiv mo sefgad agensen overol o random aplikesen blong olgeta, olsem eksampol efektif mo indipenden supavisen.
- 15.4. Olgeta eksepsen blong olgeta prosesing aktiviti long saed blong nasional sekuriti mo difens oli shud kam anda long wan indipenden mo efektif riviui we i stap long loa.

16 Setemap wan Dijitol Sefti Komisen



- 16.1. Hemi impoten se i mas gat wan Komisen we hemi mekem supavaeseri wok long wan wei we hemi inpidenden mo hemi fea mo we oli givim paoa long hem mo oli ekwipim stret blong bambae hemi supavaesem, monitarem mo enfosem komplaens wetem DPA, hemia blong save sefgadem data proteksen mo olgeta praevesi raets blong wanwan man. DSO hemi shud gat olgeta kwaliti ia: (i) hemi indipenden; (ii) hemi gat inaf wok; (iii) hemi gat inaf risos blong save karemaot olgeta wok ia; mo (iv) hemi mas eksaesem hae level transparensi long olgeta regulatori diuti blong hem.
- 16.2. DPA i shud setemap DSO olsem wan indipenden administrativ bodi, we i shud setemaot se bambae hemi akt long wan wei we hemi independen mo hemi fea, taem we hemi stap pefomem olgeta diuti mo eksaesem olgeta paoa blong hem, mo long wei ia, bambae hemi no askem o akseptem eni instraksen. DPA i shud aotlaenem fasin blong apoentem olgeta memba blong hem mo tu olgeta kondisen blong tem blong olgeta, wanem we mandet blong hem i kavremap, wok mo paoa blong olgeta, abiliti blong hem blong akwaerem propeti, tekem aksen agensem wan pati long kot mo blong narafala pati i tekem aksen agensem hem long kot.¹⁴
- 16.3. Strakja blong DSO i save tekem plante difren kaen fom we oli mitim olgeta kondisen ia: (i) wan Komisina nomo, we hemi blong data proteksen nomo; o (ii) wan Komisen (plante komisina), we hemi blong data proteksen nomo; o (iii) wan Komisina o Komisen we i gat ol narafala risponsibiliti tu (e.g., raet long infomesen; ombudsman; anti-diskriminesen).
- 16.4. DPA i shud kamaot klia blong konfem se bambae DSO hemi tritim praevesi blong wanwan man olsem wan stamba human raet, hemia folem wei we Gavman blong Vanuatu hemi luksave raet long praevesi olsem wan stamba human raet, mo wei we hemi pati long olgeta intenasonal human raet kovensen we oli involvem olgeta kaen luksave ia. DSA i shud eksaesem olgeta paoa mo olgeta wok blong hem folem olgeta kalja, tradisen mo valiu blong Vanuatu.¹⁵
- 16.5. Oli mas givim paoa long DSA blong karemaot olgeta wok ia:
 - (a) monitarem mo enfosem aplikesen blong DPA;
 - (b) holem mo eksaesem paoa blong investigeitem mo intavin blong rispon long olgeta komplem mo blong mekem investigesen we 'DSO yet i disaed blong mekem';
 - (c) handelem olgeta komplem we wan data subjek hemi submitim konsenem olgeta data proteksen raet blong hem mo blong infomem ol data subjek long progres;

14 Vanuatu's *Right to Information Act* Part 6 ('Information Commissioner'), particularly s. 58, is an example of such provisions.

15 An example is the reference to Ni-Vanuatu culture and traditions in its RTI Act s. 52(5)(a).

- (d) mekem wok blong otoraesem mo apruvum olgeta standadaes sefgad long saed blong data flow we i krosem boda;
 - (e) mekem ol disisen long saed blong eni aksen we i go agensem DPA mo blong putum olgeta administretiv penalti we i neseseri folem wan komplem o wan investigesen we 'hem yet i disaed blong mekem'; olgeta kaen disisen ia oli shud kam anda long raet blong apil tru long olgeta kot;
 - (f) statem o hemi pat long ligol prosiding folem ol provisen blong DPA, mo blong gat paoa blong tekem i kam long atansen blong olgeta narafala otoriti, olgeta aksen we i go agensem olgeta provisen blong DPA;
 - (g) isium ol tingting mo apruvum olgeta *Statutory Codes of Conduct* o ol Gaedlaen blong prosesem pesonal data, folem olgeta provisen blong DPA;
 - (h) pablim olgeta ripot long olgeta aktiviti blong hem; mo
 - (i) helpem wanwan man blong eksasaesem olgeta raet blong hem anda long DPA.
- 16.6. Otoriti blong DSA hemi shud inkludum risponsibiliti blong tekempat long intenasonal koporesen, blong promotem pablik aweanes abaot olgeta wok, paoa mo aktiviti blong hem, olgeta raet blong wan data subjek mo fasin blong eksasaesem olgeta raet ia; mo aweanes blong olgeta kontrola, prosesa mo olgeta ligol diuti blong olgeta ia anda long DPA, espeseli long saed blong prosesem spesel kategori blong data, olsem data long saed blong ol pikinini mo ol narafala man we oli stap long risk.
- 16.7. Olgeta proposal blong lejislativ o administretiv mesa long saed blong prosesing blong pesonal data, mo olgeta rikwes o komplem we i kam long olgeta data subjek, oli mas pas tru long DSO.
- 16.8. Blong DSO hemi independen long faenansol saed, hemi mas gat inaf teknikal mo faenansol risos mo hemi mas gat ol ofis spes mo infrastrukja we i nidim blong mekem gud olgeta wok blong hem mo blong save eksasaesem gud olgeta paoa blong hem, hemia i inkludum hemia we oli karemaot long saed blong intenasonal koperesen. DPA hemi shud setemaot olgeta sos blong fanding we i go long DSO, mo tu long saed blong *grant-in-aid*.
- 16.9. DSO i mas gat olgeta risos we hemi nidim blong mekem se hemi save apoentem olgeta staf we oli gat stret kwalifikesen mo blong save bildimap intenol kapasiti blong mekem se hemi save pefomem gud olgeta wok blong hem.
- 16.10. Olgeta staf blong DSO oli mas gat diuti we i fasem olgeta blong oli mas kipim sikret taem oli stap karemaot olgeta diuti blong olgeta mo eksasaesem olgeta paoa blong olgeta.
- 16.11. DSO i mas gat paoa blong save karemaot ol intenasonal koperesen, mo blong karemaot olgeta data proteksen wok we oli nid blong mekem blong enfosem eni diuti we oli mas karemaot folem olgeta intenasonal agrimen we Vanuatu i kam pati long olgeta, hemia inkludum diuti blong helpem olgeta data subjek.
- 16.12. 16.12 DSO i mas eim blong ajivim maksimam hae level transparensi long olgeta regulatori wok blong hem (olgeta sanksen, kompensesen, komplaens indiusmen mo ol narafala moa). Antap long anuol ripot blong hem, we oli tebolem long lejisleja ia, hemi shud pablim oltaem long websaet blong hem, olgeta risal blong olgeta investigesen blong hem (we oli karemaot folem ol komplem o we hem yet i disaed blong mekem), we oli selektem folem wan fea mo impoten kraeteria. Kaen pablikesen ia abaot olgeta investigesen, long kes we hemia hemi stret olsem wan diteren , i shud givim nem blong kontrola o prosesa we hemi involv.

17 Olgeta Ofens, administratif penalti mo olgeta remedi



Antap long olgeta oda blong komplae wetem DPA, oli shud yusum tu samfala moa rod blong mekemsua se oli save enfosem gud DPA; sam long olgeta wei ia hemi (i) ol ofens we oli mas prosekiutum bifo long kot; (ii) DSO i save isuim olgeta administratif penalti (faen) from fasin we i go agensem olgeta provisen blong DPA, mo (iii) data subjek i save tekem aksen blong gat judisol enfosmen agensem wan kontrola o prosesa. Tu moa rod blong mekem sua se igat komplaens hemi: (iv) olgeta remedi we i go long data subjek; mo (v) strengtenem volontari komplaens.

Risal we oli wantem hemi wan sistem blong 'risponsiv regulesen': wan piramid we moa yu muv i go antap, moa series olgeta panismen; yus blong hem hemi transparan long evri pati mo long pablik; visibiliti blong olgeta panismen we oli moa low oli rediusum nid blong gat ol panismen we oli moa hae; taem we komplaens i inkris, nid blong panismen i go daon.

- 17.1. List blong olgeta ofens, penalti mo difens blong wan man we oli jajem hem wetem olgeta ofens ia, bambae ol disaed long hem folem nasonal kriminol jastis oda, hemia i inkludum tu olgeta loa blong saebakraem. Olgeta ofens ia i shud inkludum: fasin blong kasem mo rivilim pesonal data agensem loa; fasin blong jensem pesonal data blong mekemse oli no save rivilim long data subjek; blokem olgeta paoa blong entarem wan propeti; fasin blong rispon long wan notis we DSO i putumaot wetem wan kiaman stetmen; mo fasin blong distroem o mekem kiaman long ol infomesen we **DSO** i rikwestem.
- 17.2. Olgeta administratif faen anda long DPA oli mas ifektiv, oli stret mo oli mas diskarejem rong mo oli mas save wok gud long saed blong wan smol o medium-saes bisnis mo tu long wan bigfala multi-nasonal kampani.
- 17.3. Olgeta data subjek oli mas gat raet blong prosid daerek long wan kot blong Vanuatu blong enfosem DPA, we ino nid blong prosid fastaem bifo long DSO. Olgeta oli shud gat raet blong save apoentem wan not-for-profit oganaesesen blong eksasaesem evri raet blong data subjek bifo long DSO o bifo long olgeta kot long Vanuatu.
- 17.4. DPA i shud provaedem ol remedi long eni situesen we data subjek hemi bin safa o i maet safa long eni material o non-material damej from wan aksen we i go agensem o i maet go agensem DPA, we kontrola o prosesa i kossem.
- 17.5. DSO i shud gat paoa ia blong mekem wan oda blong kompensesen awod agensem wan kontrola o prosesa, from wan material damej (olsem los o yus, o damej long kredit reiting) o wan non-material damej (olsem emosenol distres) we i hapen folem wan aksen we i go agensem DPA.
- 17.6. Long evri oda we DSO i mekem, eni long tufala pati konsen i shud gat raet blong mekem apil long hem bifo long wan stret kot. Long saed blong wan kompensesen awod, olgeta risen blong apil i save inkludum amaon blong olgeta damej.

18 Fasin blong strengtenem komplaens – Komuniti edukesen mo sapot



Taem we DPA hemi kam efektiv, DSA i mas kontiniu blong mekem wok blong mekemsua se evri stret stekholda grup oli mas andastanem gud pepos mo olgeta wok blong DPA, mo i gat positiv reinfosmen blong komplaens wetem DPA.

Blong mekemse risponsiv regulesen hemi ifektiv fulwan, hemi shud inkludum developmen blong ol positiv reinfosmen blong komplaens wetem DPA, hemia inkludum ol kaen sapot olsem infomol preis mo pablisiti from olgeta gudfala praktis, fomol preis long olgeta anuol ripot, kompetisen mo praes.

19 Monitarem mo mekem Evaluesen



Dijitol Sefti Otoriti (DSO) hemi wan indipenden mo fea supavaesori Otoriti we loa i givim paoa long hem i stret mo hemi gat stret risos blong i save supavaesem, monitarem mo enfosem fasin blong komplae long DPA. Hemia hemi impoten long saed blong sefgadem data proteksen mo olgeta praevesi raet blong wanwan man. Hemi impoten se DSA hemi mas aktiv long wok blong monitarem mo enfosem developmen mo implementesen blong DPA mo olgeta aksen plan blong hem, aedentifaem olgeta posibol gap insaed long proses, aotlaenem olgeta eria we i nid blong impruvum, mo panisim olgeta we oli brekem loa ia.

Oli mas developem Data Proteksen mo Praevesi Polisi Implementesen Matrix blong provaedem olgeta aksen plan mo aktiviti we Polisi ia bambae i gaedem. Implementesen Matrix ia bambae i mekem se i save gat wan proaktiv monitoring mo evaluesen stej mo implementesen.

- 19.1. Ok blong monitarem: Data Proteksen mo Praevesi Komisina bambae hemi kodinetem, monitarem mo mekem ripot long progres blong implementesen blong DPA, i go long Dijitol Sefti Otoriti mo bambae hemi provaedem tufala impoten ripot ia;
 - (a) Kwotali Ripot : hemi givim ripot abaot implementesen blong DPA
 - (b) Anuol Ripot: hemi givim ripot long progres we oli mekem long wan yia, long saed blong olgeta taget blong DPA olsem we i stap long matrix. Hemia bambae oli mekem long fes kwota blong yia mo olgeta we oli mekem disisen oli mas yusum blong helpem olgeta blong disaed long olgeta program blong Gavman, blong mekem se oli save ajivim olgeta nasonal taget blong Vanuatu we i stap insaed long 'Vanuatu 2030'.
- 19.2. Evaluesen: Implementesen blong DPA bambae i soemaot olgeta eria we i nid blong mekem rivi long hem.

Vanuatu Nasonel Data Proteksen mo Praevesi Polisi

